

⏪ || ⏩ Zbog nevremena obustavljena potraga za malezijskim avionom

## REAGIRANJE na tekst portala Ekran.ba

🕒 23. mart 2014.    💬 0    👁 59    🖨 Printaj

Veličina slova:

*Ekran.ba bezrezervno podržava napore EU da BiH izvede na put integracija, te samim tim i kancelariju Evropske komisije u BiH kao instituciju koja provodi ovaj program*



**“Ekran” portal ispričava se ukoliko je pojedincima ili institucijama svojim pisanjem nenamjerno priredio neugodnosti.**

Ipak, mora se priznati, bez obzira na sva slaganja i neslaganja, da je Ekran.ba koji bezrezervno podržava napore EU da BiH izvede na put integracija, te samim tim i kancelariju Evropske komisije u BiH kao instituciju koja provodi ovaj program.

U budućnosti, kao i do sada, u potpunosti stojimo na putu partnerske suradnje u podršci naporima EU, koji su, prema našem dubokom uvjerenju, od svake koristi građanima Bosne i Hercegovine. Naš tekst, barem mi tako smatramo, niti u jednom segmentu nije bio upućen na derogiranje napora EU u pravcu približavanja naše zemlje integracionim procesima, naprotiv! Nismo dovodili u pitanje transparentnost i profesionalnost rada Delegacije EU u BiH, nego nam je namjera bila da postavimo pitanje efikasnosti realizacije projekata, u dijelu koji nije u ingerencijama Delegacije.

Žao nam je ako smo prouzročili probleme gospođi Mihić, međutim naše pozivanje na izvore sa Univerziteta u Zenici nije bilo bezrazložno. Prema onome što mi znamo, gospođa Mihić je upoznata da su postojale ozbiljne pritužbe sa ovog Univerziteta, a njeno ime je vezano samo uz projektni sektor koji ona vodi u Kancelariji EU i navedeno samo u ironijskom i hipotetičkom značenju, dakle ne kao tvrdnja. Sam projekt o kojem je riječ, prema kontaktima koje imamo sa upućenim u rad univerziteta u Bosni i Hercegovini, nije niti u jednom aspektu dao doprinos unapređenju finansiranja na univerzitetima, te je samim tim neuspješan. Isto tako, mi nismo iznosili tvrdnje, nego naša zapažanja i stavove vezane za rezultate IPA projekta, koji je trebao doprinijeti poboljšanju sistema finansiranja visokog obrazovanja. Mislimo da je to jasno naznačeno u tekstu, time što smo rekli da su to informacije dobijene od naših izvora i nismo kategorički iznosili niti jednu tvrdnju, nego govorili o onome što su naša saznanja. Uostalom i naslov teksta je stavljen sa znakom pitanja.

Još jednom podvlačimo, žao nam je zbog eventualnih neugodnosti ili nerazumijevanja prouzročenih našim tekstom, ali isto tako smatramo da portal u Bosni i Hercegovini, kao i bilo gdje u svijetu, imaju pravo na svoje stavove i mišljenje. Također smatramo da je u interesu svih nas da se u javnosti otvoreno, jasno i slobodno iznose sumnje koje u našem slučaju nisu nikakve tvrdnje i nemaju namjeru iznošenja neistina o bilo kojim institucijama ili pojedincima. Nadamo se da će Kancelarija EU u BiH dati podršku našem načinu razumijevanja slobode mišljenja i pomoći nam da u budućnosti na još kvalitetniji način sudjelujemo u demokratizaciji javnog prostora.

U znak istinske otvorenosti i spremnosti na otvoren i kritički dijalog, gospođi Mihić nudimo mogućnost da u formi intervjua odgovori na naša pitanja vezana za EU projekte i kaže sve ono što smatra važnim u svom dosadašnjem radu, te na taj način demantira eventualne špekulacije vezane za njen angažman i podršku EU našem obrazovanju i zdravlju, sektorima za koje je, prema našim saznanjima, zadužena. Smatramo da je to i prilika da se na afirmativan način govori o podršci Delegacije EU integracionim procesima u Bosni Hercegovini i da gospođa Mihić sama akcentira sve važne teme u oblastima kojima se bavi. Na isti način pozivamo i Delegaciju EU u BiH, kao instituciju od velike važnosti za našu državu, da putem portala Ekran informira građane o svojim aktivnostima i podršci našoj zemlji u pravcu stvaranja modernog i progresivnog društva.

**Izjava Andy Macguffie-a, šefa komunikacijskog tima i glasnogovornika Delegacije Evropske unije/EUSR-a povodom vijesti objavljene na portalu 28. februara 2014. pod nazivom "Skandalozno: Korupcija u IPA projektima".**

- "The Delegation of the EU/EUSR completely rejects the nonsensical allegations made on Ekran website about a higher education project funded under IPA and a specific member of EUD staff.

No evidence is offered in the article to substantiate the allegations. This makes the allegations themselves and the decision to publish the article suspicious and potentially legally actionable.

The process of implementation of every EU project contains a number of independent controls throughout. These are both internal and external. The tendering process is run by a contracts and finance section in the EU Delegation separate from the programme management section. Evaluation committees are approved at the highest level. Audits are conducted by European Commission experts as well as independent evaluation and monitoring exercises both during and after the implementation of the project. Implementation reviews and on the spot checks are carried out."

- "Delegacija EU u BiH i Ured specijalnog predstavnika EU u potpunosti odbacuju neumjesne navode portala Ekran o projektu u oblasti visokog obrazovanja, koji se finansira iz sredstava IPA, i protiv izvjesnog zaposlenika Delegaciji EU.

U članku se ne daje nijedan dokaz koji bi potkrijepio ove navode. To čini ove navode i odluku da se članak objavi sumnjivim i potencijalno utuživim.

Cjelokupan proces realizacije svakog projekta EU sadrži nekoliko nezavisnih kontrola. Te kontrole su unutrašnje i vanjske. Tenderski postupak vodi Sekcija za ugovore i finansije Delegacije EU, koja je odvojena od Sekcije zadužene za upravljanje programima/projektima. Sastav tenderske komisije se odobrava na najvišem nivou. Reviziju vrše stručnjaci Evropske komisije, kao i nezavisnu evaluaciju i monitoring kako u toku tako i nakon realizacije projekta. Takođe se vrše analize realizacije projekata i provjere na licu mjesta."

---

PREPORUČI PRIJATELJIMA



0

